



升菴文集

斗

第二十九卷

七言律詩

第三十卷

七言律詩

第三十一卷

七言律詩

第三十二卷

五言絕句

第三十三卷

五言絕句

第三十四卷

七言絕句

太史升菴文集二十九卷

成都楊慎著

從子有仁編輯

七言律詩

孟冬苦寒滇南之行留別江陽親友

昆池滇嶠廿年遊
白首重來未得休
靖節詩篇形贈影
莊周呼應馬兼牛
江花品藻春紅隔
城闕凝光暮紫浮
賞菊探梅還憶我
相思莫吝置書郵

又

登艦一望一魂銷
賴有清樽慰寂寥
寵餞江陽殊謁

藹杜遊滇路漫迢迢梅心柳眼皆春意
舞夷歌亦舜韶猶有多情如杜牧
畫橋明月教吹簫

舟中留別吳菴蒼崖

夢醒渾疑未別離止舟却喜似歸時
情親千里勞相送衰病三秋指遠期
間左又興秦戎役殿前曾識漢官儀
琵琶商婦君休聽恐動王涯貝錦辭

天池夜宿對榻吳菴

永寧三百六十灘順流劈箭上流難
來賓霜鴈歲方晏喚客荒雞星未殘
羸軀肯容老巴國濯髮真如到涓盤
明日魚鳧關外路綠纓清淚對君彈

次郭雲屏登西樓韻二首

說劍論兵邁品流明時論賞早封留
种衡許國三千牘德裕籌邊第一樓
城郭笙歌渾不夜溪山草木未知秋
輕裘已叶前賢事社革先寬旅客憂

又

清香畫戟感時流遷客經過此淹留
零雨多情孫楚埃月明同夢庾公樓
新梅艷艷爭迎臘殘菊垂垂尚駐秋
地主多君似嚴武登臨暇日亦銷憂

送永寧范商野二桑扶涯際涯北上

永寧山水接江陽毓秀鍾靈歲月長
五色絲毫爭炫

爛三株瓊樹共芬芳
卿雲影裏芝泥紫
瑞日光中益榜黃
老我扶衰淹病榻
喜君惜別到文房

贈嵩明太守羅果齋

肯爲衰翁百里來
蕭條寒館是春臺
世家文藻匡時畧
環海謳歌作郡才
芳草已隨江柳發
棠花遙映野梅開
從今詩苑添嘉話
清夢高峽夜夜回

席上漫興重贈羅果齋

君侯載酒過春城
畫戟清香絳燭明
珍重青雲新意象
留連白雪舊歌聲
坐如泥塑還和氣
醉若山頽未盡情
知己相逢難遽別
席間漫興又詩成

劉虛湖封白石載酒過高峽

荒林遠枉兩高人
仙棹搖搖積水濱
懷舊重過題竹處
尋芳正及賞梅晨
登樓醉水渾無夜
着屐尋山賸有春
爨舞滇歌元慣見
渝兒巴媿愧橫陳

十二月二日張龍山謝高泉教梅坡余九崖杜晴江梁一江潘東溪携酒過訪高峽

寂寂荒村生冷煙
敢期車從枉群仙
釣竿未拂珊瑚樹
樽酒重登玳瑁筵
激艷池塘芳草外
飄飄舟楫早梅邊
高峽滇海留嘉話
劍曲斜川合共傳

潘東溪都閩惠暖床

老去真成有髮僧，禪床四大續傳燈。使君高誼來今
雨，旅客鄉心履薄冰。寒榻中宵分未照，小樓兩度記
同登。交情却勝潘楊穆，孤枕長吟載寢興。

滇海歲暮

村燈社酒簇辛盤，春立星回臘已殘。故國江山遙悵
望，浮生節序幾悲歡。寇公心事雷州竹，屈子情辭澧
浦蘭。草蓐藜床無雪霰，醉來一枕且偷安。

太守董約山訪予高峽海庄，勝言尋甸山水之

嘉即事

使君高誼薄塵寰，邀我尋春慰旅顏。不是蟠胸多磊

落，那知絕域有江山。玉杯家學曾親炙，瓊樹風流許
重攀。畫戟清香延坐久，村孤城遠漏聲閑。

答昆明尹張極山

南荒遷客重來時，東道主人慰衰遲。相望咫尺雲津
樹，限隔一水昆明池。彈琴暇豫宓子賤，戴星出入巫
馬期。高峽小樓有懸榻，一樽何日話心知。

次韻謝高泉送余往永昌

鷄足鷲頭遙五嶺，青龍赤虺遠三江。嗅金寧郎非金
齒，建木由來是木邦。石上支筇何憚險，雲端飛屐不
須雙。衰年憐我同萍梗，麗句勞君韜錦杠。

呂呈貢送官燭栢炭

冷落薰葭水一方春風桃李近河陽燭明丈室散花
地炭熾仙家雕玉房酒伴掀髯呼博塞歌童炙手暖
笙簧盈盈相望還相憶剡曲溪邊興未忘

送梁一江北上

天子萬年昌曆永春王正月賀函齊穩流巴峽飛雲
棹如砥周行進月題魏闕雙飛雲裡鳳文樓三唱卯
時雞憲臣奏最來青瑣行見天書陟紫泥

贈倪江村

倪子江村一草亭望中雲白見山青酒杯落魄春浮

蟻書卷縱橫晚聚螢米芾船邊虹貫月張騫槎木水
涵星古詩今調三千首一夜無眠枕上聽

安寧溫泉董北溪新建碧玉樓

碧玉泉邊碧玉樓崇幽何羨采真遊清秋長咲驚山
鳥朱夏閑眠對水鷗孺子滄浪休濯足高人剡曲漫
回舟衰年七袞重來此何限相知半白頭

麗而池館
之崇幽

送陳少野西上

蒲塞蘭津路阻脩金猊翠駁且淹留欲携杯酒歌三
疊又感重英詠二矛橫水光明誰執訊探丸赤白自

陳子昂賦
雲物之美

虛投飄然皓首芝山侶敢爲將軍借筋壽

贈謝平山

千里西征見玉人簷花池草話情親風流陶令歸何
早文藻桓譚論更新席上休談當世事杯中強覓舊
時春坡仙詩句君知否且聞樽前見在身

次任崇山見贈

不貪夜氣識金銀漫道詩成泣鬼神耐可炎方禦魑
魅虛傳奕世掌絲綸乘雲又塌南溟翼濡沫應憐東
海臣珍重高人推轂意稀膏那解轉方輪

崇山携酒過荒館

天燈收後近花朝爲喜新晴物色饒其柰髮絲偏種
種無端心旆正搖搖望中雲樹三層堡夢裡烟霞萬
里橋獨有憲臺東道主酒杯棊局慰蕭條

歸途始發

重作滇雲萬里征歸途却喜遇春晴一筇歷歷記行
店雙埃頻頻減去程嶺上聞猿孤枕淚壁間見蝎故
鄉情烏蒙瘴霧昏眸久想對江花眼倍明

題五老圖遙壽張禹山八十

遐筭誰論魏羅結著書君似范長生九齡天錫言非
夢五老星飛兆久成玄韵松風時靜聽仙酌花露日

頗傾永昌不數睢陽社一鶴南飛寄此情

柯玉井贈寶劍

金裝寶劍倚崆峒持贈慚非陸賈功老境慢勞身出
塞少年空有志平戎冲霄紫氣幾衡北照夜清光奎
壁東虎豹潛藏魑魅避歸來不歎路途窮

何雙梧徐靜谷相送至廣通

迴磴關頭並馬馳春風二月送歸時纔醒何遜梅花
夢又續徐凝瀑布詩老去故鄉應息駕天涯再會更
無期月橋分手銷魂處便是此生長別離

奚栢軒李西崖許松溪三君子枉過張氏園

海上群仙貫月槎辟疆園裏踏晴沙芊綿雜草開三
徑窈窕穿林似兩家曼玉敲金君子竹長紅小白女
郎花流年不用驚華髮良會何辭醉紫霞

廣心樓夜宿病中作七十行成稿

落窅重逢下石人七旬衰病命途巡藤蘿深箬猿猱
穴瘴癘窮山虎豹隣枯木幾時霜雨露戴盆何地見
星辰元夫幸遇睽孤日寂寞寒灰也望春

三月十日雲樓上公見訪高峽丘鳩夫揚子中
侍同觀梁徐僧權帖子昂春山勝事卷李伯時
九歌圖吳小仙獻香圖

喜逢嚴武解憐才過訪旌旗駐未迴黃絹色絲開古
帖綺筵彫俎進深盃風清畫舫吟芳草月上應門照
綠苔與海濱添盛事千金何用築高臺

楊林病榻羅果齋太守遠訪七十行成稿

荒店晨炊冷竈烟忽聞五馬暫流連關山盡是銷魂
路樽酒翻爲迸淚筵遙想生還成幻夢縱令死去有
誰憐眼前難縮壺中地何問靈均楚國天

遊華亭寺遇雨即事

華亭高處接諸天松栢陰森滴窈泉玄默擬尋方外
侶清狂仍共飲中仙茅容避雨山邊店宗慤乘風海

上船越女紅裙沾濕好不須翠黛感嬋娟

董約山太守枉訪高嶢同遊太華寺

五馬三旌駐碧雞松篁昏黑上頭迷慈雲擾擾珠林
北寶月纖纖紺殿西佳客興來還笑傲浮生跡有但
羈栖歸來村叟分雙炬微徑歌危獨杖藜

挽錢南川憲副

鼓瑟湘靈夢已先鳳嬉亭下識君賢禮闈英妙矜三
捷憲府飛騰羨九遷丹烟壯遊曾許國黑頭未老賦
歸田華堂易箒嗟何速深負如臯射雉年

劉風山太守見訪高嶢

正和漁翁鼓枻吟忽傳五馬特相臨清風塵榻紆仙
步細雨柴門聽好音陶館停雲幽興起樂庭披霧道
情深不嫌野外無供給太華峯頭擬共尋

贈謝高泉

奕世盤盤出大才早時名姓兆魁台棟梁昭代占隆
吉風雅明時屬總裁駑駘那堪成兩別隨騶行見出
駢胎涸魚窮鳥如相憶感寓亭前有鴈回

柬高泉

鄉國懷歸近有期燈花先報主人知曉看飛鴈傳書
札夜夢驚鳴磬荔枝金伏朱炎殘暑退瓊枝碧月早

秋宜玉關生入真竒事投筆班超又賦詩

駐節亭餞高泉

萬死投荒七十春幸逢桑梓話情親士師柳下難稱
枉漁父蘆中易愴神往事悠悠如捕影餘生落落且
同塵濁醪妙理天之祿好醉樽前掌上身

封白石工部劉虛湖戶部同訪海庄

摇摇畫舫艤湖東二妙多情訪病翁憶別久懷塵榻
冷相逢莫放酒杯空廿程道路江陽近千里風烟蜀
苑通有約重携二桃李早梅時節醉芳叢

送高泉謝公回滇周太霞同泛舟

高泉仙棹訪貧家城上高樓接太霞坡老旅情昌歎
酒雍陶鄉思米囊花迢迢紫宙凌風翰渺渺銀潢貫
月槎岐路不須悲斷梗吾生今已任瓠瓜

撫臺游可翁命周生太霞校刻五經傍住因得
駐五華精舍晨夕晤語遂有此贈

早從芳潤嗽餘津理窟年來近道真瑟捨由求鏗爾

對業同祖謝響然臻陶詩周生述孔懸金呂覽言空

詡缺石中郎跡未陳白首無聞吾獨老昭昭何用解
祥麟

次雲樓上公韻五月十九日魚池雅會

環衢窈窕錦亭東瓊樹留春綴糝紅鳥度屏風青瘡
裏魚窺明鏡碧瀾中賓筵鄴下詩篇盛軍次漁陽鼓
角雄獨有白頭虛授簡梁園應愧長卿工

魚池即席贈玉華南華少華三公子

翩翩清世佳公子秩秩初筵集上才宿昔八龍何護
落于今三鳳喜藉趨通家會面嗟何晚良會知音訝
許猜有約高峽同過我不論晴雨有花開

六月十四日病中感懷七十行成稿

七十餘生已白頭明明律例許歸休歸休已作巴江
叟重到翻爲滇海囚遷謫本非

明主意網羅巧中細人謀故園先隴痴兒女泉下傷
心也淚流

太史升菴文集二十九卷

太史升菴文集三十卷

成都楊慎著

從子有仁編輯

七言律詩

病中永訣李張唐三公 己未六月

魑魅禦客八千里羲皇上人四十年怨誹不學離騷
侶正葩仍為風雅仙知我罪我春秋筆今吾故吾道
遙篇中溪半谷池南叟此意非公誰與傳

吳高河懋嘗以楊弘

山士雲王純菴廷表胡在軒廷祿張半谷含李中
溪元陽唐池南錡為楊門六學士以擬蘇門秦黃
晁張廖畧云余曰得非于子而七乎七子文藻皆
在滇雲一時盛事余固不敢當也然余之遭如中

害而卒不得還者竟以此不欲言其人姓名如柳
子厚傳河間云噫

蘭津橋 今名霽虹

漢書載瀾滄謠云漢廣德開不賓度博南踰
蘭津渡瀾滄爲他人卽此地也土人譌呼爲
浪滄云

織鐵懸梯飛步驚獨立縹緲青霄平騰蛇遊霧瘴氛
惡孔雀飲江烟瀨清蘭津南渡哀牢國蒲塞西連諸
葛營中原回首踰萬里懷古思歸何限情

昆明望海

昆明波濤南紀雄金碧滉漾銀河通平吞萬里象馬

國直下千尺蛟龍宮天外烟巒分點綴雲中海樹入
空濛乘槎破浪非吾事已斬魚竿狎釣翁

次沐希甫山茶花韻

山茶競開如火然山城淑氣銷寒煙幾經南國芳華
遠忽憶上林花信前賞心避地日多阻抱病閉門春
可憐黃須紫萼莫相惱青鏡綠樽非壯年

浪穹縣

鳧鴈唼喋菱苻光翡翠搖裔蘭茗芳古寺雙林帶烟
郭平湖十里通春航遠夢似曾經此地遊子恍疑歸
故鄉桃園仇池到處有萍浮梗泛悲蒼茫

立春滇郭西看山茶

山國山茶太繁品春盤春菜先此筵多情日日花
懊惱無賴家家香接連河陽少年亦好事杜陵老翁惟
醉眠歸來瓊枝猶照眼焰紫然紅君馬前

春泛晚歸

滇海橫波搖遠天青峯影在柁樓前汀蘋嫋嫋風色
起崖草淒淒春興連漁父濯纓歌鼓柁蛇女當壚工
數錢醉歸不嗔無兩炬東塔已高西月弦

甲午臨安除歲

去年除夕葉榆澤今年忽在臨安城斜看暮景飛騰

意正念天涯流滯情寒梅判山我欲寄烟草瀘江誰
喚生隣墻兒女亦無睡歲火天燈喧五更

豐祿縣西蘭谷

響水關水繞蘭谷蘭之猗猗環谷芳瑤渦玉巽湧神
瀦綠葉紫莖涵帝漿湘纍採作羹人佩尼父嗟為王
者香懷哉千古兩不見獨立蒼茫愁大荒

中丞白泉汪公生辰值安南款報至

金湊銅柱貢函來象渚龍編道路開上將簡書回北
極中丞勛業冠南臺擬將萬舞排家宴欲取饒歌獻
壽杯節鉞可能淹衮鳥明年何地望三台

春夕潘園

雨砌風簷墮棟花
虫書鳥字遍晴沙
春山載酒馳朝馬
江閣邀賓起暮鴉
陶令葛巾從滲漉
管寧紗帽任歌斜
殊方未覺追隨盡
常曲風流更爾家

寄任少海李仁夫

擬折瑤華遺好脩
攀援桂樹且淹留
金膏水碧欣相待
翠觀岑青悵獨遊
海動三山任子釣
溪通九曲李仙舟
東南孔雀飛何遠
西北高樓雲自浮

連雨

江星動天人涉波
淫雨毀山仍漏河
兩崖渾不辨牛

馬千家直恐爲鼃
鼃桑田滿地西成
少桃壘同流東逝
多懸磬反關斷車
跡有客無衣中夜
歌

別周昌言黃孟至

長年三老試登艫
雙鬟小妓唱巴歛
重露桃花薛濤井
輕風揚柳文君壚
可憐鳩鵲橫四海
未許鴟夷浮五湖
銷魂從此渺然去
迴首峨眉山月孤

五丁峽舊傳爲力
士開山之地據史
秦用張儀司馬錯
之謀以珎器美女
賂蜀侯而取之小
說迂怪傳疑可也
遂賦此詩

峽形千仞立蒼顏
開闢從來有此山
自是美人傾絕

國不緣壯士啓重關蔡蒙早入梁州貢庸蜀曾陳牧
野間謠俗流傳難借問丹青遺跡尚班班

碩筍溪中丞載酒過滇館名應祥

濁水清塵十七年豈知披霧更雲滇釣竿未拂珊瑚
樹杯酒重登玳瑁筵春夢依稀蕉鹿後晨星寥落雪
鴻前途巡醉寫張顛帖咫尺忘歸范蠡舡

送蕭凌漢都閩謝病歸蜀

三輔名畿百戰場青冥鈇鉞白毫霜謝安儘有平堅
策杜甫曾無抹瑄章聞道軍威餘細柳試尋遺愛有
甘棠錦江未許垂綸父計日仙舟望帝鄉

鳳翔阻雨兼聞寇未靖揆悶一首

萬里歸程兩月過淹留羈旅竟如何故鄉望處驚烽
火遠道愁時賦蓼莪秦嶺北來山礙日河陽南下水
增波竹林向晚鳴鳩急明日雨聲應更多

早寒

曉夢驚回聞早鴉新陽出海散明霞田隴初生戴星
草園林已發迎春花山脊炊烟穿高竹渡口漁船依
淺沙籃輿有暇可乘興西崦東臯問煮茶

賦得江上舟送人

濯錦江邊青翰舟別情歸思兩悠悠開帆影遠入雲

小合櫓聲齊和月柔正擬乘槎上南斗還思擊楫在中流新詩懷古兼春興傳與巴人作掉謳

寄用貞弟

杜陵巴國苦寒行李白梁園昨夜情山葉早梅心萬里雪窓風竹夢三更河橋晨別南鳧影江漢春催北鴈聲回首長安當日下感時懷汝摠難平

送馮行健守興化

東方千騎別程催南浦雙魚幾日回秋向炎州隨鴈去春行露冕見花開中朝奏疏匡時畧窮海歌謠作郡才上計即看蒙上賞仙遊元自接仙台

王舜卿尹舜弼往昌平例送一首

漢陵原廟近長安唐殿香爐遣從官月地旌旗屯虎豹明樓燈火散鷓鷯稍驚霜堞栖鴉起轉覺冰橋度馬難誰似玉堂雙宋玉郢歌一曲破郊寒

送楊仲立進士歸省

名儀

鄉國同年十載遙飛騰次第上雲霄扶搖去息南溟翼象緯回瞻北斗杓楊子談經餘舊閣相如題柱有遺橋誰從駟馬尋踪跡自向玄言賞寂寥

次王明遇留別韻

名良佐

秦地長城紫塞曲漢家亭障白雲齊將軍幕府傳刁

斗壯士關山送馬蹄鄉信迢迢隨去鴈邊心渺渺聽
鳴鷄行看烽火回中靜祇見明星隴上低

次韻惟信送客東郊

城外浮嵐翠巘開橋邊新漲綠波回鳴鞭紫陌遊人
出結軫青郊上客來南浦草芳春雨過東園花信晚
風催昏鍾杳杳尋歸路飛蓋飄飄帶晚埃

送何勳伯

柱史南巡采國風行臺分向浙西東星邊牛斗遙占
象湖上魚龍早避驄岫擁春雲天日近潮含明月海
門通心期又作三秋別書札還勞萬里鴻

送張孟復達州兵備副使

西蜀行臺持憲節東川分閫寄儒纓雲林曉日
青羌浦水國秋風白帝城潭下蛟龍驚鼓角門
前鳥雀避干旌折衝樽俎烟塵靜始信荀卿善
議兵

答張起溟

君乘五馬向炎荒客送雙魚借寵光江月維舟
添滉漾海雲迎旆共飛揚東城極目春千里南
浦懷人水一方會待高翔凌紫極肯教獨立咏
蒼茫

送祝文安知楚雄府 名弘舒

君領銅魚問碧鷄封疆諸葛舊營西禹山閣道
盤丹微岷水牂牁帶黝溪鼓角連城霄月淨干
旌一路火雲低請看盤木他年頌還擬中和樂
職題

嘉陵江

嘉陵江水向西流亂石驚灘夜未休崑畔蒼藤
懸日月崖邊瑤草記春秋板居未變先秦俗刻
木猶疑太古舟三十六程知近遠試憑高處望
刀州

無題

丁丑歲同何仲默張愈
光陶良伯作追錄于此

石頭城畔莫愁家十五纖腰學浣沙堂下石榴堪繫
馬門前楊柳可藏鴉景陽粧罷金星出子夜歌殘壁
月斜肯信紫臺玄朔夜玉顏珠淚泣琵琶

鄭立之中丞平蜀石城夷寨有詩紀事次韻 二首

漢庭不動九天兵瀘水重興五月征談笑折衝迴萬
里指揮能事定三城戎原夜市煙花繞澤國春畝歲
草生紀績休磨崖上石巴渝歌頌比風清

出關 擬唐人

狼狐芒角正彎環虎落連營又出關漢使征鴻何日

至胡兒牧馬幾時還千重紫塞迷青塚九曲黃河繞
黑山飛將殊勛猶下吏書生乘障敢辭艱

孟春與葉桐岡迎王鈍菴于郊即事

正月勾東春已深遲客登樓延賞心苔池飛泉漱鳴
玉菜圃黃花如散金漢陽莫作窮鳥賦楚狂且停衰
鳳吟綠樽共喜日日醉華髮那畏星星侵

七星關新橋

架壑盤巖嵌碧空驅山鞭石讓玄功星梁天柱撐銀
漢雪浪雲濤抱玉虹襟帶平分滇蜀險品題合占古
今雄登來彷彿臨玄圃不信飄零逐轉蓬

次姜夢賓登洱水浩然閣韻

誰賦風光草際浮謝公佳客盡詩流紫城雲樹迎江
閣白國烟波送海舟南浦移樽消旅思西園飛蓋記
仙遊愁來獨減登臨興病骨先驚一葉秋

安寧溫泉

鏗瑟舞雩歌點也流觴脩禊記羲之何如碧玉溫泉
水絕勝華清碧石池已挹金膏分沆瀣更邀明月濯
漣漪沉沉蘭酌春相引汎汎揚舟晚更移

得揚實卿書

逐客正傷南浦賦高人遙致北山文詩壇花月還公

濟玄圃方州又子雲起草共知雙筆健轉蓬何翅十
年分懷儂莫作相尋夢蜚雨蠻烟泥殺君

贈韓靈菴表弟

奕世龍韜耀將星守窓惟愛讀書螢愁看歐氏隴阡
表喜建蘇家族譜亭棣萼關情花寂寂寒泉入夢水
冷冷雙金片玉人皆許勲業行藏鬢正青
病骨寒宵冷不勝擁爐塞向正凌兢壺惜蓮漏渾如
咽燈暗蘭膏坐自凝夜久夢回疑有雪朝來唾下欲
成冰狸奴戀暖驅難去縮蛭銜蟬隱被稜

太史升菴文集三十卷

太史升菴文集三十一卷

成都楊慎著

從子有仁編輯

七言律詩

春日訪樊九岡幽居

九隴岡頭紫氣浮高人元是列仙儔黃花晚節開三
徑翠竹清風臥一丘松菊微行常伴鶴苔磯獨釣不
驚鷗伊余南北東西者浪跡深慙下榻留

春三月四日仰山余尹招遊疏江亭觀新修都

江堰

疏江亭上眺芳春千古離堆跡未陳
轟轟樓臺籠蜃氣滄滄原隰接龍鱗
井居需養非秦政則堰淘灘是禹神
古圖經深淘灘淺則堰今改則為作非也
為喜灌壇河潤遠恩波德水又更新

周五津寄錦箋并柬揚雙泉

誰製鸞牋迥出羣雲英膩白粲霜氛薛濤井上凝清
露江令筵前擘綵雲窈窕翠藤盤側理連環香玉剪
回文老來無復生花夢錦字泥緘付墨君

中元夕望開福寺燈塔

鈴語吟風寐梵音塔燈擎月淨高深
孟蘭瑞草生三昧天竺曇花散五陰
鴈沼恍疑星宿海鷲峯幻作火珠林
西方謾說光明藏何似中華池布金

寄夏松泉名邦謨

山中睡起三竿日天上書來五朵雲
念我獨愁開閨寐感君長跪謝殷勤
兩年故國交遊隔千里同心岐路分
奇樹華滋看已徧不禁春色惱離群

郟縣子雲閣

落景登臨縣郭西坐來結構與雲齊
平郊遠訝行人小高閣迴看去鳥低
林表餘花春寂寂城隅纖草晚萋萋
酒闌却下危梯去猶為風烟惜解携

立春日禁中對雪

天街晴雪照簾櫳萬戶千門似郢中先向曉營添朔
氣却隨春仗轉條風上林花信梅邊出太液波聲柳
外通郢客高歌誰屬和巴人下曲本難工

戊寅九日龍門登高

江山盤踞千年地風雨崔嵬百尺臺搖落霜林秋籟
發參差雲堞曉光開四愁多阻張衡望九辨堪興宋
玉哀望遠登高聊自遣芳萸艷菊漫相催

沐希甫葉道亨約會於太華寺兩中用杜少陵

韻一首

野竹幽花夾道迎緝園金刹望中明海天風色雲籠
樹山國春寒雨滿城最覺龍鱗圖畫潤生憎鳥羽毛
衣輕迷源復作留連住尋壑猶能窈窕行

冬夜宿羅漢寺

霜林金碧迷青紅木葉蕭蕭澄遠空長湖洲渚亂吞
吐上方樓殿森玲瓏廊僧暝汲怯寒溜舟子夜語驚
天風朝暎照檻堪一望羨爾冥冥高遶鴻

石岡沐公希甫輓詩

甃醉錦筵金叵羅忽騎天駟上天河霸陵猶記將軍
獵沛邑能忘猛士歌春寒澤畔經過少日暮山陽涕

淚多露薤霜蒿悲自古蹊桃營柳柰君何

關索廟

關索危嶺在何處猿梯鳥道凌青霞千年廟貌猶生
氣三國英雄此世家月捷西來武露布天威南向陣
雲賒行客下馬一酌酒候旗風偃寒吹笳

高峽村除夕

海濱戎旅久忘歸獨對朝嵐與夕霏
路柴門春水釣魚磯太平時節身難遇
莫違街鼓市塵渾隔斷村春隣火自相依

謝同鄉諸公寄川扇二首

鳳篔分封到海陬魚緘千里自巴丘
月珮簾朱炎借早秋紈素底須誇
銀鈎仙家玉雪勞相贈詩苑瓊瑤愧未酬
對青筠膜漬霞斑渥紫棊膏鍊月顏棊小也自覺金風
爽仙馭誰將玉雪灑人寰薛濤歌裏揚清嘒卓文吟
邊障遠山萬里橋西銷暑會幾回瓊樹夢中攀

即席贈樊九岡黃梓谷

中涪西蜀兩高人良會通家及上春
逸早時揮塵靜風塵身閒正好啣盃數情洽何妨命
駕頻更與衡門添盛事聚星堂上繼荀陳

贈內

迢遞鄉關隔益州歸途兩沛更雲油重看周雅歌祁
父又聽陽關唱杜秋明月迥臨天左界寒霄回夢浪
西樓五紋絲履休勞寄好者生兒似阿侯

壽叙菴司馬弟

生辰正月十二日

酉君初度早逢春千里相思隔錦津棣萼連枝情不
盡筆花池草夢何頻廟堂閒却絲綸手山水能娛樂
壽身繞膝斑衣當蔗境何須止酒負芳辰

送胡東渠少叅致仕歸晉陽

驪紱辭榮賦北征急流勇退見高情元龍湖海多豪

氣長孺朝廷有直聲

胡曾為郡不
屈節温州相

塵世已破枕中夢

杯酒况兼身後名祗恐清風遺遠徼聊將公是托詩

評

與諸弟別樂菴弟約有江陽之會

中宵風雨早來涼謝草春池別夢長綠野開筵聯玉
樹紅亭離思結垂楊通波直下無千里明月何曾是
兩鄉白晝看雲何限意佳期良晤在江陽

宋潛溪方遜志二賢祠亭陪東阜翁齊坐

青蘿太史赤城仙祠墓東西近接連江漢炳靈遷謫
地乾坤正氣革除年華池澹佇滄浪水栢寢寒通雪

嶺烟不向一臺逢二妙何由投簡和新篇

合州舟中次韵王孔昭 名嘉賓

馳暉易逝髮難玄屈指驚心二十年北渚離愁芳草
外東風歸信落花前煙開巴峽銅梁秀月照浯江石
鏡圓栩栩瀛洲還舊夢嚶嚶喬木又新篇

雪後曾前溪憲副夜過 曾名鈞

閒門寂寂夜先扃窮巷俄傳暢轂經迢遞騶牙聲已
到熒煌騎火夢初醒淮山桂樹懸鄉月漢節梅花照
客星清興不辭淹雪棹濁醪還共醉雲亭

晏寢漫興

少年愛睡苦不足鷄鳴催入承明宮蹀躞金珂響斜
月丁當玉佩搖迴風共憐人馬輝光異肯信簪裹拘
攣同老便晏寢北窻北起看日生東海東

重寄張愈光

海客張公鬢已蒼豪遊曾結少年場古文金碧盤龍
虎麗句瓊瑤琢鳳凰尋壑徑丘穿窈窕倚樓看鏡立
滄芒朔風鴻鴈傳消息明月青山隔幾鄉

海裔江湄獨倚樓瑟居匏繫又驚秋菊花黃處回青
眼楓葉紅時對白頭少日聲名追杜甫暮途鞿絆脫
莊周九龍尚有臨池興一鴈能忘遠札投

寄藍玉夫

名田

四海風紀藍御史廿載逃名即墨城青冥鴻飛日月
白紫淵龍臥波濤清晴窻香芸拂蟬蠹春谷喬木歌
嚶鳴總角懽遊忽衰老握鏡愁看華髮生

登海寶寺望侍御唐池南

琦別業因贈

橫紫煙光疑上方人家宛在水中央一重一掩肺腑
地某水某丘遊釣鄉憶我頻年枉書札與君連日醉
壺觴詩瓢不似山人瘦大雅堂高接盛唐

夏日抱病幽居

抱病閉門誰與同隱几焚香長夏中槐花細灑鷺黃
雪芭蕉斜扇青鸞風蚊雷無賴鼓昏黑螢火多情流
暝紅墨池過雨積新溜一部鳴哇何大雄

泛蓮池晚歸

桂柰蘭舸泛碧漪菱媵蓮蕩倒芳卮十三鴈足傳情
徧二八蛾眉度曲遲玉樹風前人散後金波水上月
明時良辰勝會應難續風雨連宵惱別離

兩湖葉道亨泰招飲過湖晚歸

楊堤葉嶼迥相隣東主西賓意自親促席忽披千里
霧歸舟重醉兩湖春沙邊漁火明還暗樹裏人家認
未真已訂魚鄉鷗社約片帆何惜往來頻

寄楊弘山都諫

士雲

螭頭早掛進賢冠跡遠東墀玉笋班倦意已還飛鳥
外歸心元在急流間仙郎高議留青瑣學士新詩滿
碧山十九峯前同醉處夢中瓊樹幾迴攀

唐僖宗行宮遺礎次熊尚弼侍御韵

名相

唐帝行宮有露臺礎蓮幾度換春苔軍容再向蠶叢
狩王氣遙從駱谷來萬里山川神駿老五更風雨杜
鵲哀始知蜀道蒙塵駕不及胡僧渡海盃

礎今在僧寺

丁丑九日

燕臺九日罷登臨節物蕭條入楚吟關塞驂騑迷去

路朔風鴻鴈滯歸音仙遊御宿山川遠白露清霜
夜深雲際側身愁北望天涯懷抱可能禁

己卯九日登高

采采黃花不滿衣暝煙起望自朝暉馬卿病裏芳菲
晚宋玉愁邊節序非落木流波如有意來鴻去燕故
相違消除強醉清樽酒歸掩田家白板扉

庚辰九日聞金鶴卿張惟信有彭門之會疾不

克陪

一別黃金萬里臺孤城三見菊花開雲移北闕沾恩
宴日遠南山獻壽杯抱病江天常聞寐關心時序獨

徘徊高人喜共登高會咫尺彭門阻笑陪

定州書事

此地去年新駐蹕行宮曾榜太平門堯樽置酒中衢
溢梵宇揮毫古塔尊漢帝樓舡窮島嶼周王車轍滿
乾坤多方獨使勞神武諸將何由答主恩

中秋禁中對月

漢家臺殿號明光月滿秋高夜未央銀箭金壺催漏
水仙音法曲獻霓裳路車天遠鸞聲靜宮扇風多雉
影涼千里可憐同此夕美人迢遞隔西方

四月廿日侍班紀事次金鶴鄉韻

金殿朱衣引陛前紫微清蹕從乾旋登庸已卜璿璣
正顧命先從玉几傳雨露恩垂周壤徧星辰影動泰
階連詞臣况有如椽筆好學王褒頌得賢

送熊維藩尹婺川

驪駒載道何駸駸飛鳥遙下蠻江潯鴻鴈不度牂牁
國虎豹常啼楓樹林鳴琴仙室白日靜鎖印公堂朱
夏深冰蘖肯移清吏節卉裳須服遠人心

張崇象壁新居

碧山學士居茅屋錦里先生過草堂森森龍池接溝
水啾啾雀樹隱隣墻何人問字能携酒有子攤書解

滿床巴曲肯來收下里楚歌還擬和滄浪

送高三峯公韶守大理

赤薦青驄近侍臣碧雞金馬問行頻南荒瘴厲禺山
夜北渚烟花洱海春千里風謠采芳訊十年雲會阻
光塵賜金已見先華省鳴玉終期上紫宸

次韵席仁同春遊昭應宮

佩聲齊下日華東朝退春遊有客同却轉河堤晴靄
外迴瞻宮闕曉雲中曲江池泛仙源碧下苑花交御
宿紅瓊玖木桃酬未得青門紫陌興何窮

尚書九峰孫公壽詩

百尺貞標澗底松四朝公望想儀容星辰衡岳當朱
鳥雷雨湘江起臥龍白雪郢歌翻壽曲青雲奕葉繼
仙蹤天瓢滿注供春雨三島遙應接九峯

送福上人還青城

青城三十六高峯寺在青峯第幾重飛錫曾聞經雪
嶺結茅常愛住雲松花飄香界諸天雨金吼霜林半
夜鐘傳語禪關休上鎖虎溪他日會相從

慶成宴次張惟信韵

太乙天壇望燎回九重春宴選辰開廣庭列坐瞻華
袞合殿飄香入玉杯海宇謳歌千載遇雲門隊舞八

荒來共憐彩筆飄搖賦獨有金門侍從才

送毛東鎮

給諫用成之子

憐君忠節之子孫公車待詔重高門江湖魏闕子牟
遠暮田丙舍鐘繇存伏蒲內殿有滕跡請劍上方猶
血痕鳳雛驥子定須繼德羨吹壘非爾倫

次韵劉潤之歲暮見懷

江曲橫煙遠樹底衡門榛草晚萋萋美人明月勞相
憶遊子浮雲夢不迷桂水舟航天塹北松州車馬雪
峯西愁來擬對公榮酒醉裏放歌嚴氏溪

次祝鳴和中秋對月韵

閣夜試看中夜月桂花正在散花樓仙客星輶下瑤
漢美人舊隱懷丹丘已聽笛奏亂歸思更對窻光驚
醉眸一水盈盈隔千里佳期不共謝莊遊

高泉臨行再賦此以別

異鄉流落倚名公公去窮荒望益窮客路萬三千里
外仙居七十二泉中昌黎仰斗台光遠靖節停雲時
雨濛鏃羽涸鱗去安所翺飛川詠幾時同

七言排律

寄題楊凌泉水木清華堂

宛宛闌干石徑斜悠悠水木湛清華橋通玉局仙人

館隣接金繩大士家翠鎖渭川千畝月紅蒸柱曲一
園花劉安招隱歌叢桂屈子離騷賦折麻嵐靄望山
堪拄笏陌塵流水任行車間兒好掃青苔壁欲把新
詩落墨鴉

觀三塔寺龍女花

天女來看龍樹花空香隨步惹瓶沙烟花點綴慈雲
薄韶景留連慧日斜鬢髻曉霑三昧雨羅綿夜妬六
銖霞偷啣野鹿羞塵世共命巢禽隔海涯水泛暗通
金母島風飄曾到玉皇家誰教博望來西域不並蒲
桃上漢槎

高峽積雨始晴遙簡西嶽

長湖射雨萬鏃雄屋角掛龍池飲虹亭亭玉筋繞山
閣森森銀竹園屏風織女下機絲暮野綃人入市珠
跳空畫圖未盡輞川妙詞賦詎信陽臺工停雲已拖
楚練白倒景忽放燕脂紅綠蟻辛自盈鑿落黃鷄不
用歌玲瓏

長江萬里圖

五才坎德迫靈長萬里岷山始濫觴流漢天迴經灩
澦盤渦谷轉下柴桑揚瀾左蠡魯潭府大壑歸虛廣
莫鄉天遣陽侯分森森帝谷神禹畫茫茫岑青翠觀

鮫人館水碧金膏龍伯堂景浴陽烏朝旭早燄然陰
火夜霞光烟寒星散三洲樹風致雲飛百尺檣鶴子
鳧雛喧澍雨紋螺錦蚌映翔陽籠筒津鼓驚浮客欸
乃漁歌屬報郎泗磬石鍾鏘島嶼輕連頻彩媚滄浪
殺鞭堪笑苻堅策靜練難賡謝眺章彩鷁退飛休借
問白鷗浩蕩信徜徉

太史升菴文集三十一卷

太史升菴文集三十二卷

成都楊慎著

從子有仁編輯

五言絕句

青橋夜宿

驛亭臨白水石榻滿蒼苔遠客渾無夢江聲枕上來

宿華亭寺

二首

花樹高於屋紅霞夜照人聲聲枝上鳥也似惜餘春
天風與海水鳴籟隔山聞半夜衣裳濕清朝樹樹雲

雨夕避漏起坐

二首

滯雨蒼山夜停燈伴獨愁詰朝明鏡裏華鬢颯先秋
其二

雲房遷雨榻枕席籍盆甕似向東林宿蓮花滴漏聲
積雨始晴

霽曉憑高處涼風吹我襟海天堪倚杵嶺樹小如簪
三塔秋日

始見椒花綠又驚椒實紅客心正鬱鬱作底對秋風
陽橋彎

澗整浮白雲俯瞰低於馬雲開見青松又在澗整下
西路雜述 五首

沙遠名乾海坡高號望城海曾無滴水城亦是虛名
其二

路學盤蛇上人緣磨蟻旋深於小有洞陰過大漫天
其三

濯足倒流水回頭相見坡馬嘶人又倦落景在烟蘿
其四

虎穴猶能入猿梯亦可臨把關苗子面開店主人心
其五

哨名一碗水坡號半邊山疲人倚石磴渴馬飲水湍
即事一絕

蘋末清風起涼生近水樓盈盈樓上女齊唱楚江秋
四月五日夜與叙菴末菴樂菴得菴話別集句
鼎鼎百年內一別一回老欲知萬里情坐對青燈曉

西蘭圖

蘭為君子佩植根不當門幽谷發遠馥九畹詠王孫
又

蘭為美人採蘋藻掩芳潔沐浴助精裡豈為薜澤設

又

蘭為仙姬名升雲女兒山玄景入天上名字留人間

又

蘭為王者香鬱鬯薦清廟猗猗有遺音併入瑤琴調

嘉州登舟

馬上風塵倦登舟似到家雨晴涼意足含笑對江花

渝江登陸

來往舟如屋相隨一月期登途不忍去翻似別家時

又

曠野惟看樹高城不見人新梅臨水發照影為誰春

馬枋橋

無奈旅懷多村酤引睡魔醒醒不成窠楓葉助吟哦

青橋驛早發

遠客貪晨發三更夢已回江聲如驟雨吹到枕邊來
白石羹

童子報仙翁白石羹初熟坐客不須嘗歸家穿破腹
普魯基曉發

霜華重于雪星光明似月喔喔荒鷄鳴蕭蕭征馬發
自安寧之高嶢李葵之走馬相迎

遙岑昨夜別獨樹今朝迎高嶢連榻處清話到三更
夜行安慶

風順月仍明扁舟半夜行鷄鳴問前路已近九江城
宿鯉魚山

投宿宿前灣占風夜未闌月沉鴻鴈渚雲起鯉魚山
夕上江陵

熒熒沙市燈統統黃潭鼓悠悠隱後帆遙遙認前渚
其二

水落沙渚寬鴈聲驚早寒舟子夜不寐北風吹雀竿
射亭

飛雨花前疾鳴駁風外聞當場誰破敵王粲始從軍
螳川獨泛 二首

柳市村村接松燈點點明家家傾蟻酒夜夜鱸魚羹
其二

月遊渾似畫水泛不知寒星留驚魚躍雙枝起鶴盤
月夕獨酌

夜沽東橋酒醉聽夔童歌羈人不作樂其如鄉思何
春二首

海風吹海樹十日閉門中坐惜繁華過墻頭數落紅
其二

行樂三春好春來轉劇愁鄉心悲遠望莫上最高樓
陪盛德章春泛

中洲歌采芳曲渚艤歸艎風起春江晚飛花點石梁

鐵鸚武歌

蜀中名駕鸚雲南號
鐵鸚武即伯勞也

可憐鐵鸚武常鳴五更前愁人抱暝臥聲聲到耳邊

寶珠寺

遙望瀑布泉徙倚雙杉樹繫馬幾度遊徘徊不能去

觀音寺

雙樹依山曲青蓮有廢臺遊人不肯入却似剡溪回

雲房寺

海盡燒空艷山篁拂座涼胡僧書跡在指點古雲房

清淨寺

淨域無塵雜風花落漸多空門元不閉屐齒未曾過

寶印寺

曲徑餘榛路窈碑剝蘚痕空廊僧不住鄰媪為開門
寶曇寺

千仞崇山頂清泉何處分涓涓石澗底一派下青雲
圓照寺

橫枕山窓裏月明林影動禪心炯不眠寧有巴山夢
筇竹寺

博望南行路昆池杳若天自憐遷播客一住已三年
黃龍龕

看碑籍草茵倚杖忽移辰絕域驚文藻飄零愧古人

寺有楊仲
弘碑文

正覺寺

隱隱村園寺亭亭竹繞門還期長夏日坐嘯辟疆園

海源寺

海眼藏雙樹峯頭壓百尋靈鈞遊未遠不見石為林

龍華寺

空宇三禪寂荒林七聖迷閑來丘壑興那復問東西

妙高寺

絕頂愁飛鳥丹霞隱林抄孤僧早閉門熒熒佛燈小

普吉菴

松箐一何深細路縈百折行人歇松陰羸馬食松葉

春日過山家

山床壓春酒滴作澗泉聲與君終日醉松風吹復醒

雨後見月

雨氣歛青霽月華揚彩曇戲魚蓮葉北驚鵲樹枝南

題竹

帝子瀟湘渚乘鸞孀孀邊可憐江上竹猶帶古時烟

存歿絕句

何遜重泉別范雲清淚多他年淮隱處腸斷八公歌

右何仲默

章句傳燕國風流有薛君千年濠上意寂寂向誰云

右薛君采

東京崔子玉臥病隔清漳天上青藜燭何人白玉堂

右崔子鍾

張公滄海客大雅起溟雲未許乘槎去蛟龍射斗文

右張愈光

碧雲停日暮華月照芳池夢回歌玉樹病渴憶瓊枝

右余懋昭

近有錢塘信斯人亦可傷更憐新特在猶喚舊江郎

右江景孚

一悵遼東鶴千年竟不歸夢魂迴永夜相見是邪非

一疾緣醫誤孤蹤住世慵淚痕添沫水名字見峩峩

右劉汝楫

右安公石

飲祁氏園

今日花前飲祁園是習池山翁不若芋爭柰葛強兒

答段德夫水部

四首

自笑嵇康懶雲林絕舊交寧知千里翻肯問一枝巢
天涯戎旅春一十五回新多情花與鳥歲歲有留人
幽蘭深谷底感此歲芳徂欲問丹砂訣吾非勾漏徒
漢上題襟句梁朝水部才錦書何處至羅戶為君開

代贈二首

懶膽杯分綠猩唇脂印紅雙歌連理曲並醉合歡叢
南壩迎郎來西壩送郎去回身掩空閨月明天未曙

太史升菴文集三十三卷

成都楊慎著

從子有仁編輯

五言絕句 六句附

虛湖曲四胤為劉少鄰賦

滇湖湛空碧光景涵太虛主人湖上家結舫水中居
湖疊通九淵湖鏡涵萬象陰火宵有無波塵時下上
留連非魚鳥溯洄豈薰葭明月浴灑露青雲汲流霞
搔筆泳連漪蟠曾生沆碓因之滄浪吟湖亭記余邁
出郊

高田如樓梯平田如棋局白鷺忽飛來點破秧針錄
招董西羽

朝向城中來夕向城中去獨夜一微吟攀留桂之樹
寄承冰壺

紫翠隱丹房仙人在上方欲往疑無路白雲封點蒼

搗衣杵

山東女子趙小錢年十五為賊所掠罵賊不從以搗衣杵擊賊遇害事聞詔旌其門

戎賊金鈷鉏擊賊搗衣杵今見趙小錢昔聞揚愍女

普賢寺

香閣影波心叢雲萬木深月明清梵夜遙應海潮音

進耳寺

蠻村藏古刹窳堵粉如雲寺圯殘僧少鳴螺窳不聞

悟空菴

一龕如燕凹中有貂璫塚石麟臥青蕪烟交春茸茸

太平寺

忍草迷香徑空餘屋數間香鑪烟不起苔蝕鷓鴣班

松隱菴

松菴饒古松露鬣交雲尾蘿徑少人行日暮嘯山鬼

金馬寺

東林金馬寺南亭金馬關往來皆馬客試問誰者賢

白龍寺

詩人張禹山喜用白龍字何事獨無詩留題白龍寺

羅漢寺

覺路花非染靈山草亦香虛空即此境何處覓空王

太華寺

古地新蘭若標峯冠彩霞碧波臨萬頃指點見星槎

妙湛寺

廢刹臨官渡香臺夜景澄僧言龍火焰却是打漁燈

積翠巖

翠巖隱玄龕苔徑無鳥跡不見煮茶烟那知有禪客

恩波池別劉潤之

酌酒臨池水回舡拂芰荷匆匆馬上去留與與烟波

毛東鎮過高曉同宿作人名詩一首

釣石崇遙岸樵林放遠山東園公肯過桃李照衰顏

漣漪包明月今夕茲無還

月儀帖

鸞驚開二妙蠱尾見征西花蠹暉銷電香蟬跋認鷺

不逢華蓋叟誰與重樵樵

梁元帝古跡啓鸞驚之奇聞之於索靖鷹時之巧又

顯之于蔡邕山谷詩惜無征西蠹尾手為寫黃門急就章征西指索靖也華蓋山人宋仲温模為拓

本也月儀帖秘閣續刻尾有鷺字東坡詩我今又閣筆不寫紙尾鷺

王臺體

流盼轉相憐含羞不肯前綠珠吹笛夜碧玉破瓜年
滅燭難藏影洞房明月懸

調絲曲房下接鏡綺窓西粧罷金星出歌殘壁月低
留歡夜未足恨殺汝南雞

戚里盛豪華聯翩赴狹斜寶闌圍鬪鴨金瓦擲鳴蛙
歸騎春城晚風吹滿路花

菱歌歇晚涼桂楫隱回塘珠佩雙臯冷羅裙十里香
錦書隨綺翼持報邵陵王

七星關漁者

石澗無通水漁舟反上山得魚隨馬賣抱獺趁鴉還
問爾江湖興茫茫若夢間

枕上

君莫笑萍梗來往上滇雲我本聖之徒七十而從軍
沱若竟何益濁酒且酣欣

卧佛

金仙疲津梁雲卧恣天行菩薩歎退位未盡區中情
二諦憑誰解松風與水聲

紺甲麗人

銀甲卸彈箏花從玉指生逡巡捲羅袖掩抑捧金觥

莫摘相思子瓊枝最有情

秋情遊海源寺

林壑散烟霏鐘鼓喧清曉日氣抱巒陰虹橋上雲杪
離鴻海島來疑是三青鳥

楚江曲

巫山花已紅楚水波新綠兩兩浣沙人照影鬪粧束
笑問竹枝詞何如采蓮曲

雨霽龍門泛舟泝流回作

江干新雨晴江纜新流上舡頭轉雲峯舡尾疊花浪
中洲蹇誰留渺渺臨風望

太史蕭宗樂半閒園八詠 蕭名與成

詔許歸蓬華性本愛丘山臨水知魚樂披林共鳥閒
勞勞車盖影渺渺隔重關 右靜觀堂

高人厭世氛亭子枕孤雲宇定天光發風清地籟聞
此君相對處幽意許平分 中虛亭

瑤草岩姿麗金沙海色新射干翹鳳羽薜荔長龍鱗
謝氏芝蘭砌還聯玉樹春 交翠庭

早歲辭芸閣歸來臥蕙櫺已寤邯鄲夢猶註逍遙篇
郊扉未可閉洪崖時拍肩 忙中間處

后皇嘉樹底香影覆秋盤樵子逢玉質幽人對謝安

興來歌楚頌策杖暮盤桓橘樂山

太乙遙分種紅雲仙島香爽氣金莖上恩波銀漢傍

田田新咏好留刻戲魚堂蓮池

三脊羞封禪靈瓊續楚辭綠樽藉芳草彩筆賦山茨

千載青霞意應同孔稚圭茅閣

宮錦換漁蓑浮家倚芰荷月邀三太白水漾百東坡

擊汰歸恒晚鮫人識棹歌浮軒

自滇歸高嶢留別胡在軒名廷祿

乘風歸吾廬臨水飲君酒顛倒白接纒攀折青楊柳

相望片帆程相憶能來否

避暑林亭

几席近漣漪枕簟依林樾琴聲歇流水扇影却明月

涼襟何逍遙炎歊坐超忽

太史升菴文集三十四卷

成都楊慎著

從子有仁編輯

七言絕句

王子淵祠

瑋擘靈芝發秀翹
子淵擣藻挾天朝
漢皇不賞賢臣
頌只教官人詠洞蕭

徐及泉相送至斜堰河二首

滇隅流落鬢成絲
為憶家林惱夢思
沃野喜看平似
掌春郊載酒正花時

又
長溝流水引都江斷岸危橋窄石缸並馬不知村路
遠更穿斜堰渡驚龍

菜子花

菜子花如黃金色想見蘭膏春盞碧貧女梳頭水當
油那口襟解聞薌澤

秋夕稍涼坐盞珠樓即景

涼牖方開一幅天疎星點綴冷金箋嗷鳴鴈過橫斜
字寫出秋聲賦一篇

水仙花四絕

淩波微步洛川傍合與江梅競晚芳不見當年林處
士西湖配食水仙王

又

金盞銀臺映綠樽清香况復賽蘭蓀祇應岩桂為朋
輩未許山礬作弟兄

又

瑤池阿母惜幽芳青鳥東來未許將小玉雙成成都睡
去一枝傳自段安香

又

乘鯉琴高採掇新蔚藍天上少紅塵黃姑渚畔湔裙

水不是人間妬婦津

百日紅

李徑桃蹊與杏叢春來二十四番風朝開暮落渾堪
惜何似雕闌百日紅

喜浮橋成

臘尾江頭綻早梅浮梁銀漢亘昭回不須桂楫迎桃
葉步步金蓮夜夜來

月夕見美人過浮橋

鴈齒螭頭影動搖金波玉鏡夜迢迢忽逢羅鞵輕盈
步疑是鮫人出賣綃

丁巳五月五大熱追涼江山平遠樓

平遠江山四望開颼然風至似蘭臺披襟便覺涼如
洗一任城頭暝色催

又

颼然風至似蘭臺此地那容熱客來姑射風姿冰雪
妬班姬團扇漫多才

丁巳元宵韓旻菴送燈

多病新春減醉狂元宵作劇懶逢場華燈玊重勞相
贈繡佛前頭禮定光

滇海曲 十二首

梁王閣榭水中央
烏鵲雙星帶五潢
跨海虹橋三十里
廣寒宮殿夜飄香

又

碧鷄金馬古梁州
銅柱鍊橋天際頭
試問平滇功第一
逢人惟說潁川侯

又

化城樓閣壯人寰
澤國封疆鎮兩關
雲氣開成銀色界
天工斲出點蒼山

又

葉榆巨浸環三島
益部雄都控百蠻
神禹導河雙洱

永武侯征路七星關

又

沙金海貝出西荒
桃竹種華貢上方
香象渡河來佛子
白狼槃木拜夷王

又

碣房草閣瞰夷庭
側島懸崖控絕陁
雞足已窮章亥步
驚頭空入梵王經

又

孤戍平沙望大荒
邊愁海思入滄茫
帝鄉東北仙雲隔
燹道西南媚景長

又

昆明池水三百里汀花海藻十洲連使者乘槎曾不
到空勞武帝御樓船

又

湖蕩魚蝦晨積塲市橋燈火夜交光油窓洞户吳商
肆羅帕封頤焚婦枚

又

蘋香波暖泛雲津漁樵歌曲水濱天氣常如二三
月花枝不斷四時春

又

煮海醅郎暝漉沙避風估客夜乘槎雪浮杭稻壓春
酒霞嚼檳榔呼早茶

又

海濱龍市趁春畬江曲魚村弄晚霞孔雀行穿鸚鵡
樹錦鶯飛啄杜鵑花

白崖

雲開遠見彩雲州一片烟嵐鳥外浮還見前年山下
路密蒙花發艷新秋

素馨花

金碧佳人墮馬妝鷓鴣林裏聞芬芳穿花貫縷盤香

雪曾把風流惱陸郎

陸賈南中行迎云南中遊女以采絲貫素馨為飾事載南方草

木狀貫花繞
鬢今猶然

光尊寺別張愈光

萬里炎荒萬里身銷魂何事別離頻
光尊寺裏桃應笑回首東風九度春

夢中作宮詞

丙申秋七月二十四日

長信宮中夜未央
斑姬團扇畫秦王
三更雲屋西風起
翠粲紅羅滿玉霜

粉團花

靚飾豐容膩玉肌
輕風溼露錦屏帟
頭懶戴應嫌

重留取餘香染夜衣

桐梓驛元夕

戴石孤峯古驛門
青羌吹角報黃昏
三家村里無燈火
千樹梅花作上元

胡蝶戲真珠花

漆園仙夢到綃宮
栩栩輕烟裊裊風
九曲金針穿不得
瑤華光碎月明中

山茶花

綠葉紅英開雪開
黃蜂粉蝶不曾來
海邊珠樹無顏色
羞把瓊枝照玉臺

泛滇海歸感舊口占

談笑已無錢臥月風流不見李華仙
漁村酒市經遊處斜日寒林鎖暮烟

寄漢州太守劉仲粟

名琮吾師南峰侍郎諱文煥之子

南峯桃李徧峨岷白髮門生今幾人
東閣郎君今健否何時同醉鴈橋春

雨中漫興東泓山中溪洱舉

風裊芭蕉羽扇斜雲峯苔壁對簷牙
滿城連日黃梅雨開遍金釵石斛花

又

簾紋如水帳如烟涼氣先秋到
枕邊蚊脚蠅頭跡如掃右軍贏得靜佳眠

又

青山繞屋水周堂枕底潺湲夢裡涼
階下濯纓憐孺子吾廬應即是滄浪

又

雨聲蕭寺喜留賓窓竹簷花更可人
莫道相如徒四壁壺中猶有錦江春

夏夕

湘水魚鱗冷簾文博山垂螭篆罷鑪薰
開窓對影近新

月坐愛金波洗火雲

戊申高峽中秋風雨

人家一片海心浮彷彿樓臺似十洲不用梯雲取明月水晶宮裏度中秋

題漁娃圖

碧玉聲沉智井邊綠珠魂斷舞樓前風流畢竟輸漁父醉擁漁娃盡日眠

竹枝詞

九首

夔州府城白帝西家家樓閣層層梯冬雪下來不到地春水生時與樹齊

日照峯頭紫霧開雪消江面綠波來魚腹浦邊晒網去麝香山上打柴回

江頭秋色換春風江上楓林青又紅下水上風來往慣一年長在馬船中

寂高峯頂有人家冬種蔓菁春采茶長笑江頭來往客冷風寒兩宿天涯

青江白石女郎神門外往來祈賽頻風颭青旗香雨歇山江花開瑤草春

紅粧女伴碧江濱蓮草花簪茜草裙西舍東隣同夜燭吹笙打鼓賽朝雲

神女峯前江水深襄王此地幾沉吟
擘花温玉朝朝態翠壁丹楓夜夜心

上峽舟航風浪多送郎行去為郎歌
白鹽紅錦多多載危石高灘穩穩過

無義灘頭風浪收黃雲開處見黃牛
白波一道青峯

裡聽盡猿聲是峽州

方云與劉禹錫異時同工

太史升菴文集三十四卷終



